

Innkalling

Utval: Sula kontrollutval
Møtestad: Sula rådhus, møterom 4. etg.
Dato: 17.09.2025
Tidspunkt: 14:00

Den som har lovleg forfall eller vil ha vurdert habilitet til ei eller fleire av sakene, må melde frå snarast mogleg til sekretariatet på e-post: post@sksiks.no eller på telefon 926 11735

Varamedlem møter etter nærare beskjed frå sekretariatet.

Sakliste

PS 15/25	Godkjenning av innkalling og sakliste, protokoll frå forrige møte
PS 16/25	Meldingar og skriv
MS 06/25	Melding om protokoll frå årsmøte i FKT 2025
MS 07/25	Protokoll frå generalforsamling i Attvin AS 2025
MS 08/25	Vedtak i Sula kommunestyre om forvaltningsrevisjon Arbeid mot fattigdom.
PS 17/25	Revisoruttale frå forenkla etterlevingskontroll 2024
PS 18/25	Revisor si risiko vurdering for forenkla etterlevingskontroll 2025
PS 19/25	Revisjons- og kommunikasjonsplan 2025
PS 20/25	Tilråding til budsjett 2026 frå Sula kontrollutval

Ålesund, 10.09.2025

Trygve Holm
Leiar kontrollutval

Bjørn Tømmerdal
Dagleg leiar SKS IKS

Saksframlegg

Saksnr.	Utval	Møtedato
PS 15/25	Sula kontrollutval	17.09.2025

Godkjenning av innkalling og sakliste, protokoll frå forrige møte

Sekretariatet si innstilling:

Kontrollutvalet godkjenner innkalling og sakliste. Samt møteprotokoll frå forrige møte slik den ligg føre.

Vedlegg

Møteprotokoll - Sula kontrollutval - 21.05.2025

Saksframlegg

Saksnr.	Utval	Møtedato
PS 16/25	Sula kontrollutval	17.09.2025

Meldingar og skriv

Underliggende saker

06/25	Melding om protokoll frå årsmøte i FKT 2025
07/25	Protokoll frå generalforsamling i Attvin AS 2025
08/25	Vedtak i Sula kommunestyre om forvaltningsrevisjon Arbeid mot fattigdom.

Saksframlegg

Saksnr. Utval
MS 06/25 Sula kontrollutval

Møtedato
17.09.2025

Melding om protokoll frå årsmøte i FKT 2025 Sula kontrollutval

Sekretariatet si innstilling:

Kontrollutvalet tek meldinga til vitande.

Bakgrunnsinformasjon:

Kontrollutvalet får protokollen frå årsmøte i FKT (forum for kontroll og tilsyn) som var halden 3. juni 2025. Kontrollutvalet får det som informasjon fordi kontrollutvalet skal vere kjent med eigarmøter i selskap kommunen har eigarinteresser/ er medlem i.

Vedlegg

Protokoll årsmøte 2025 Forum for kontroll og tilsyn

Saksframlegg

Saksnr. Utval
MS 07/25 Sula kontrollutval

Møtedato
17.09.2025

Protokoll frå generalforsamling i Attvin AS 2025 Sula kontrollutval

Sekretariatet si innstilling:

Kontrollutvalet tek meldinga til vitande.

Bakgrunnsinformasjon:

Kontrollutvalet får protokollen frå generalforsamling i Attvin AS som var halden 5. juni 2025. Kontrollutvalet får det som melding / informasjon fordi kontrollutvalet skal vere kjent med eigarmøter i selskap kommunen har eigarinteresser i.

Vedlegg

Protokoll frå generalforsamling 05.06.2025 - Attvin AS

Saksframlegg

Saksnr. Utval
MS 08/25 Sula kontrollutval

Møtedato
17.09.2025

Vedtak i Sula kommunestyre om forvaltningsrevisjon Arbeid mot fattigdom. Sula kontrollutval

Sekretariatet si innstilling:

Kontrollutvalet tek meldinga frå Sula kommunestyre til vitande.

Bakgrunnsinformasjon:

Sjå vedlagte vedtak frå Sula kommunestyre 18. juni 2025. Kontrollutvalet vil få ei sak om oppfølging i tråd med vedtaket på sitt møte onsdag 19. november 2025.

Vedlegg

Vedtak frå Sula kommunestyre i møte 18.06.25 forvaltningsrevisjon arbeid mot fattigdom

Saksframlegg

Saksnr.	Utval	Møtedato
PS 17/25	Sula kontrollutval	17.09.2025

Revisoruttale frå forenkla etterlevingskontroll 2024 Sula kontrollutval

Sekretariatet si innstilling:

Sula kontrollutval tek revisor sin uttale og rapport om forenkla etterlevingskontroll til vitande.

Bakgrunnsinformasjon:

Den forenkla etterlevingskontrollen inneber at revisor skal sjå etter om økonomiforvaltninga i hovudsak skjer i samsvar med lover og forskrifter og kommunen sine eigne reglement og vedtak. Revisor gjennomfører enkle kontrollhandlingar som gjev moglegheit til å avdekkje vesentlege veikskapar i sentrale delar av økonomiforvaltninga.

Kontrollen er ikkje meint å gå i detalj på alle sidene ved ei sak, men blir retta meir mot om kommunen har eit system som er eigna til å sikre etterleving av krava i lover og forskrifter og kommunen sine eigne reglement og vedtak.

Tema for kontrollen i 2024 har vært etterlevelse videreutlån og startlån. Revisor vil presentere uttalen og rapporten på møte onsdag 17. september 2025.

Vedlegg

Revisor sin uttale - etterlevingskontroll 2024 Sula kommune

Rapport forenkla etterlevingskontroll 2024 Sula

Uttale frå leiinga om forenkla etterlevingskontroll av videreutlån - startlån i Sula kommune

Saksframlegg

Saksnr. Utval
PS 18/25 Sula kontrollutval

Møtedato
17.09.2025

Revisor si risiko vurdering for forenkla etterlevingskontroll 2025 Sula kontrollutval

Sekretariatet si innstilling:

Sula kontrollutval tek plan for etterlevingskontroll 2025 til vitande.

Bakgrunnsinformasjon:

Den forenkla etterlevingskontrollen inneber at revisor skal sjå etter om økonomiforvaltninga i hovudsak skjer i samsvar med lover og forskrifter og kommunen sine egne reglement og vedtak. Revisor gjennomfører enkle kontrollhandlingar som gjev moglegheit til å avdekkje vesentlege veikskapar i sentrale delar av økonomiforvaltninga. Kontrollen er ikkje meint å gå i detalj på alle sidene ved ei sak, men blir retta meir mot om kommunen har eit system som er eigna til å sikre etterleving av krava i lover og forskrifter og kommunen sine egne reglement og vedtak.

Vurdering:

Det er revisor som avgjer kva område som skal kontrollerast gjennom ein forenkla etterlevingskontroll. Revisor har valgt å sjå på offentlige innkjøp som er omtalt i rapporten på side 5.

Offentlige innkjøp utgjør en vesentlig del av kommunens økonomiske disposisjoner og er derfor et sentralt område for kontroll med etterlevelse av regelverket. Regelverket til offentlige innkjøp stiller krav til konkurranse, likebehandling og gjennomsiktighet, og skal sikre effektiv bruk av offentlige midler samt hindre misbruk, favorisering eller økonomiske tap

Vedlegg

Saksframlegg

Saksnr. Utval
PS 19/25 Sula kontrollutval

Møtedato
17.09.2025

Revisjons- og kommunikasjonsplan 2025 Sula kontrollutval

Sekretariatet si innstilling:

Sula kontrollutval tek framlagte revisjon- og kommunikasjonsplan 2025 til vitande.

Bakgrunnsinformasjon:

Kontrollutvalet fyller sitt ansvar for å sjå til at revisjonen blir utført på ein forsvarleg måte ved å gjennomføre aktivitetar knytte til oppfølging av revisjonen og revisjonsarbeidet. Dette kan omfatte:

- revisor si uavhengigerklæring
- kvalitetskontrollar hjå revisor
- avtalar mellom kontrollutval og revisor
- engasjementsbrev for revisjonsoppdraget
- strategi og plan for revisjonen, og risikovurderingar
- revisjonsrapportar (interim og etterlevingskontroll)
- nummererte brev

Vurdering:

Det er eit krav at revisor skal utarbeide ein plan for korleis revisjonen skal gjennomførast. Revisjonsplanen byggjer på ein overordna revisjonsstrategi som skildrar føremål og omfang på revisjonen, når revisjonen skal utførast og kva angrepsvinkel den skal ha. Revisjonsplanen og strategien skal byggje på ei risiko- og vesentlegvurdering. Det er mange forhold som inngår i denne vurderinga, mellom anna endringar i oppgåver, tenester og organisering i kommunen, og om eit område har blitt revidert tidlegare år. Planen vil mellom anna omfatte dei rekneskapsområda og rekneskapspostane som vil inngå i den årlege revisjonen. Einskilde

område vil som regel inngå i revisjonsplanen kvart år. Dette gjeld til dømes store inntekts- og utgiftspostar som skattar, rammetilskot, løn og innkjøp. Vidare skildrar revisjonsplanen kva revisjonshandlingar revisor skal utføre innan dei einskilde områda, og tidspunkt for gjennomføring.

Revisor har gått gjennom utkast til kommunikasjons- og revisjonsplan 2025 i møte med sekretariatet. Sekretariatet vurderer at revisjonsplanen gir kontrollutvalet oversikt over kva revisjonen som vert utført og kva dette inneber. Dette gir då eit betre grunnlag for kontrollutvalet til å stille spørsmål, og for å vurdere om kontrollutvalet ser behov for å utføre ytterlegare kontrollhandlingar.

Oppdragsansvarleg revisor Kathrin Haram frå Møre og Romsdal Revisjon SA vil i møte 17. september 2025 presentere planen og forklare utvalde risikoområder. Revisjonsplanen vil være grunnlag for kontrollutvalet si oppfølging i løpet av rekneskapsåret.

Vedlegg

Revisjons- og kommunikasjonsplan 2025 - Sula kommune
Vurdering av oppdragsansvarlig revisor sin uavhengigheit

Saksframlegg

Saksnr. Utval
PS 20/25 Sula kontrollutval

Møtedato
17.09.2025

Tilråding til budsjett 2026 frå Sula kontrollutval Sula kontrollutval

Sekretariatet si innstilling:

Sula kontrollutval foreslår til kommunestyret ei samla budsjetttramme 2026 for kontrollarbeidet på kr 1 600 000
Dette er fordelt slik:

- Kontrollutvalet møtegodtgjersle og kompetanse kr 140 000
- Kjøp av sekretariatstenester (Sunnmøre kontrollutvalsekretariat IKS) kr 460 000
- Kjøp av revisjonstenester (Møre og Romsdal Revisjon SA) kr 1 000 000

Bakgrunnsinformasjon:

I medhald av § 2 i forskrift om kontrollutval og revisjon skal kontrollutvalet utarbeide forslag til budsjett for kontrollarbeidet i kommunen. Rettleiaren til forskrifta seier at i uttrykket kontrollarbeid inngår då utgifter til kontrollutvalet, kontrollutvalsekretariatet og revisjonen.

Sula kommune er med i det interkommunale selskapet Sunnmøre kontrollutvalssekretariat IKS (SKS IKS). I tråd med selskapet sine vedtekter er det representantskapet som vedtek budsjettet for dette selskapet og det vert her tatt med kun som informasjon.

Sula kommune har valt Møre og Romsdal Revisjon SA som si revisorordning. Revisjonen som vert utført består av rekneskapsrevisjon, forvaltningsrevisjon, eigarskapskontroll og andre kontrollhandlingar som er bestemt i lov eller i medhald av lov og andre uttaler, og omfattar revisjon av kommunerekneskapen og konsolidert kommunerekneskap. Møre og Romsdal Revisjon SA fakturerer utførte revisjonshandlingar ut frå brukt tid og med faste timesatsar som vert vedtekne i samband med revisjonsselskapet sitt budsjett i årsmøte.

Omfanget av forvaltningsrevisjonen vert styrt ut frå bestillingar frå kontrollutvalet med utgangspunkt i den vedtekne plan for forvaltningsrevisjon for perioden.

Regnskapsrevisjon omfattar oppgåver som går fram av Plan for revisjon mv.

Andre tenester er dei tenester som verken er regnskapsrevisjon, forvaltningsrevisjon eller eigarskapskontroll, medrekna særattestasjonar som t.d. stadfesting av kommunen sitt grunnlag for krav om momskompensasjon. I tillegg kjem forenkla etterlevingskontroll med økonomiforvaltninga, fagleg rettleiing, undersøkingar som revisjonen eventuelt utfører, møter i kommunestyret og møter i kontrollutvalet.

Vurdering:

Revisjonstenester:

Sekretariatet har motteken eit grunnlag frå Møre og Romsdal Revisjon SA på dei tenestene som dei leverer. Dette byggjer på erfaringstal frå 2023, 2024 og delar av 2025, samt tek utgangspunkt i deira vedtekne satsar.

Når det gjeld rekneskapsrevisjon så vert tidsbruken frå revisor påverka av kor godt kvalitetsikra årsrekneskapen er frå kommunen si side, når den vert levert i februar.

Det har vore gjennomført ein risiko og vesentlegvurdering (ROV) i 2024 som grunnlag for arbeidet med plan for forvaltningsrevisjon. Denne plana blei handsama av kommunestyret i 2024. Det er difor eit ynskje at Sula kontrollutval kan bestille ein forvaltningsrevisjons rapport på vegne av kommunestyret i 2026.

Med bakgrunn i dette vil ein foreslå eit budsjett for 2026 på kr 1 000 000 for dei tenester som revisjonen utfører.

Sekretariatstenester:

Det er Sunnmøre kontrollutvalsekretariat IKS (SKS IKS) som leverer sekretariatstenester til kontrollutvalet. I tråd med Lov om interkommunale selskap (IKS-lova) og gjeldande selskapsavtale er det representantskapet som vedtek eigarskapsandelen. Dette vert gjort i slutten av oktober 2025 og ein må difor her legge til grunn forslag frå dagleg leiar til styret og til representantskapet.

Dersom representantskapet vedtek endring i eigarskapsandelen for 2026, vil sekretariatet informere om dette etter at representantskapet har gjort sitt vedtak i oktober.

Kontrollutvalet:

Møteplanen til kontrollutvalet vert lagt av utvalet sjølv og talet møter byggjer på erfaringar frå tidlegare år. Om der ikkje kjem uforutsette hendingar som kontrollutvalet må handtere, så vert det planlagt fem møter i 2026. Godtgjersle knytt til kontrollutvalet er omfatta av Sula kommune sitt reglement for folkevalgte og vert utbetalt direkte frå kommunen på lik linje med andre folkevalde organ. For 2026 med fem møter vert møtegodtgjersla stipulert til kr 94 000.

Det er sær viktig for kvaliteten på kontrollarbeidet at kontrollutvalet får høve til å halde seg oppdatert kunnskapsmessig. Det å delta i erfaringsutveksling og kompetansebygging på samlingar med andre kontrollutval er ein viktig del av dette.

I tillegg til konferansar vil det vere sær nyttig å få tilgang til faglege ressursar gjennom dei to kompetanseorganisasjonane som har fokus på fagkompetanse på kontroll og tilsynsarbeid.

Det er NKRF-kontroll og revisjon og Forum for kontroll og tilsyn - FKT. Abonnement på fagbladet Kontroll & revisjon og medlemskap i Forum for kontroll og tilsyn er viktige kompetansestader. Sula kommunestyre valde i 2022 å melde kommunen inn i FKT (forum for kontroll og tilsyn) etter tilråding frå kontrollutvalet. Medlemsskapet er lagt inn i den samla summen som her er forslått for kontrollutvalet. På bakgrunn av dette vert forslaget til eit budsjett for 2026 for kontrollutvalet være på kr 140 000,- og det inneheld då både møtegodtgjering og kurs/kompetanse for kontrollutvalet.

Det totale budsjettforslaget på kr 1 600 000 for kontrollarbeidet i Sula kommune for 2026 ser då slik ut:

Møtegodtgjersle kontrollutval	94 000	
Kurs og opplæring	30 000	
Abonnement og medlemskap NKRF og FKT	16 000	
Kontrollutvalet		140 000
Sekretariatstenester (SKS IKS)		460 000
Rekneskapsrevisjon (inkl. attestasjoner)	630 000	
Forvaltningsrevisjon/eigarskapskontroll	370 000	
Revisjonstenester (MRR SA)		1 000 000
Sum kontrollarbeide 2026 Sula kommune		1 600 000

Forslaget frå kontrollutvalet skal følgje uendra tilrådinga til årsbudsjett fram til kommunestyret, i samsvar med kommunelova §14-3 og § 2 i Forskrift om kontroll og revisjon. Denne prosessen sikrar at kontrollutvalet sin uavhengigheit vert oppretthalden, og at utvalet sitt framlegg ikkje vert endra eller påvirka av kommunedirektør eller formannskap.